

Relatóriu Finál Avaliasaun ba Timor-Leste nia Violénsia Armadu

Edisaun husi Robert Muggah no Emile LeBrun

Small Arms Survey

Graduate Institute of International
and Development Studies
47 Avenue Blanc
1202 Geneva, Switzerland

t +41 22 908 5779

f +41 22 732 2738


e sas@smallarmssurvey.org

w www.smallarmssurvey.org

Liu ona dékada ida depois de independénsia no mós violénsia ho deslokasaun ne'ebé akompaña ida-ne'e, Timor-Leste sei sai nafatin nu'udár nasaun ida ne'ebé iha tranzisaun nia laran. Maski nia estabilizadu iha períodu pós-independénsia nian, efeitu sekundáriu sira husi krize 2006 nian ne'e sei kontinua hala'o nafatin knaar importante ida iha ambiente debate polítika no seguransa nian iha rai-laran. Violénsia komún dalaruma sei sai nu'udár karakterístika moris nian iha área rurál sira, no kilat ki'ik sira—ne'ebé nu'udár restu husi períodu pré-independénsia nian no hirak ne'ebé mak foin lailais ne'e fó sai husi forsa sira defeza no polísia nian—dalaruma estimula violénsia ne'ebé tantu relasionadu ho grupu nian no tantu violénsia comunidade nian.

Relatóriu ida-ne'e tau hamutuk estudu no análise sira ne'ebé fó sai ona kona-bá Avaliasaun ba Timor-Leste nia Violénsia Armadu (TLAVA) durante períodu tinan 2008–10. TLAVA ne'e nu'udár projetu ida ho durasaun tinan rua nian ne'ebé bazeadu ba peskiza kampu nian ne'ebé buka atu explora problema seguransa nian sira ne'ebé urjente iha Timor-Leste, ho foku espesífiku ida kona-bá dinámika sira husi violénsia armadu nian. Kó-patrosinadu no administra hamutuk husi Small Arms Survey no ActionAid Australia (anteriormente Austcare) ho apoiu husi AusAID, projetu ne'e fó sai ona Edisaun Informasaun lima ho análise

legál nian rua, nune'e mós halo kolókiu no konsultasaun sira ho responsável prinsipál sira Timoroan no internasionál nian. Objetivu prinsipál husi projetu



ne'e nian mak atu organiza peskiza sira ne'ebé ezistente no foun hodi ezamina sistemáticamente lakuna sira entre violénsia armadu iha Timor-Leste nian ne'ebé réal no persebidu, no mós prodús publikasaun sira ne'ebé asesível hodi haktuir kona-bá intervensaun sira.

Bazeia ba konsultasaun sia ho responsável sira iha Timor-Leste, projetu ne'e foka ba iha área espesífiku tolu:

1. avaliasaun ida kona-bá faktór no impaktu risku no mós kustu sósio-ekonómiku sira husi violénsia armadu nian iha relasaun ba saúde populasaun nian—partikularmente fetu, labarik no mane-foinsa'e sira, no ema deslokadu sira (IDPs);
2. revizaun ida kona-bá dinámika sira husi violénsia armadu ne'ebé asosiadu ho grupu sira ne'ebé ho 'risku-aas' hanesan gangue sira, comunidade espesífiku sira iha

distritu sira ne'ebé afeitadu, petisionáriu sira, veteranu sira no instituisaun sira estadu nian, no kauza poténsial sira hanesan eleisaun sira; no mós

3. knaar kilat sira nian (p.e. kadi, halo-rasik ho liman ka 'tuku', no husi fábrica) nu'udár faktór ida ne'ebé kontribui ba iha violénsia armadu.

Iha adisaun ba relatóriu sira ne'ebé mak fó sai ona husi TLAVA, ekipa peskiza nian buka atu aseguara transferénsia no troka kapasidade nian no treinamentu ba estudu ne'ebé sustentável kona-bá violénsia armadu, no mós atu hametin kapasidade doméstika nian ba monitorizasaun no jestaun informasaun iha sektor sira saúde no seguransa nian hodi prevene no redús violénsia armadu.

Relatóriu ida-ne'e organizadu tuir área temátika, reeve tópiku espesífiku sira ne'ebé kobre iha Edisaun Informasaun nia laran, espesíficamente kona-bá prezensa no kontrolu ba kilat ki'ik sira iha Timor-Leste, violénsia sira ne'ebé relasionadu ho grupu no mós estadu ho sociedade sivil sira nia esforsu atu kontrola ida-ne'e, nune'e mós violénsia seksuál no violénsia ne'ebé bazeia ba jéneru no dezenvolvimentu atual hodi responde ba ida-ne'e. Tanba dezenvolvimentu importante sira ne'ebé halo ona desde publikasaun ba Edisaun Informasaun orijinál nian ne'e, peskizadór no kolaboradór sira fornese atualizasaun kona-bá tópiku hirak-ne'e iha tinan 2010. Maski sei lalele halo revizaun ba área substantivu hotu-hotu husi TLAVA nian, ninia konkluzaan refléta ba iha instrusaun sira iha aban-bainrua nian atu halo estudu kona-bá violénsia armadu iha Timor-Leste. ■